



yelidikan

Penyelidik Muda EYReC-UniMAP Rangkul Emas Di PECIPTA 2013

Penyelidik muda Universiti Malaysia Perlis (UniMAP) melalui ENVEX Young Researcher Club (EYReC) berjaya membawa pulang tiga pingat emas, empat pingat perak dan dua pingat gangsa di Persidangan dan Ekspo Ciptaan Institusi Pengajian Tinggi Antarabangsa (PECIPTA 2013) yang berlangsung pada 7 hingga 9 November 2013 lalu.

Pingat emas UniMAP disumbangkan oleh pelajar-pelajar tahun pertama Pusat Pengajian Kejuruteraan Bahan Farah Suhannah Ezani dan Kherni Hafizah Bakri dengan rekacipta *X-Ray Shielding Panel From Geopolymer Composite* serta produk rekacipta *HIAUPLASTMAP* disumbangkan oleh Nor Diana Rafie, Nurnabilah Ibrahim dan Ku Nur Salsabila Ku Osman. Emas ketiga UniMAP disumbangkan oleh Pelajar tahun pertama Fakulti Teknologi Kejuruteraan (FETech) iaitu Muhammad Khairul Anwar Abu Khor, Ahmad Sedek Kamaruddin dan Nur Fatin Nazira Ab. Karim melalui hasil ciptaannya *GRCOMAP-A New Generation of Green Composites*.

